

葉文莊公奏議

葉文莊公邊奏存藁卷六

吏部左侍郎謚文莊崑山葉盛存藁

孫衡州府同知。夢淇較定

六世孫禮部主事 重華彙梓

題爲鎮守巡撫等事案照先據萬全都司經歷司  
呈前事該抄蒙右僉都御史李秉案驗該少保  
陳循等題稱各處鎮守等官暫止議事有同方  
面等因該會官計議奏准各處鎮守總督提督  
叅贊協贊軍務文職自遼東至大同一年一次  
俱於景泰六年四月初一日到京議事等因抄

賈轉行欽遵到職欽遵案候間今照臣先於景  
泰三年三月初六日蒙恩陞除山西布政司右  
叅政本年五月初十日到任隨往大同宣府等  
處管事本年十一月初九日欽奉 勅諭令於  
獨石馬營等處協贊軍務今該扣至景泰六年  
四月初十日連閏該歷三年考滿例該赴京給  
繇緣臣亦係協贊官員而考滿日期與議事日  
期相近若不預先請乞定奪遵守奉行誠恐臨  
期有悞來便伏乞

聖裁 奉合無照依協贊事例於四月初一日到京議

事就於初十日考滿給繇惟復另行給繇謹題  
景泰六年正月初十日

題爲勦殺達賊事景泰六年正月十四日准總兵  
官過興等手本爲孤探聲息等事據原差出境  
夜不收官軍百戶劉安祥等孤報瞭有達賊近  
邊等因手本行移到職照依兵部奏准事理遵  
守再行選差乖覺夜不收哨探的確行事及令  
臣再選官軍五百餘員名與左叅將夏忠官軍  
五百餘員名俱整朔齊備策應等因准此會同  
內官及右叅將計議分作兩路出兵及依先次

提督軍務等官會議事理斬殺賊徒之際對敵  
之人聽令盡數斬殺不許爭論首級致悞殄滅  
其老弱婦人幼小子女俱要生擒通行號令將  
士依期會合殺賊數內黃整周賢將領官軍一  
千五百餘員名從干營見紅山見瓦房溝等處  
堵塞險要去處指揮王鼎等將領官軍五百員  
名從獅子溝順路巡哨俱約于議事臺會合本  
月十五日據原差哨探夜不收官軍千戶袁能  
等回報瞭有達賊人馬在于龍王堂瓦房嵯二  
處往來駐紮照得臣等人馬已在境外切近賊

人駐劄去處當卽分調輕騎一千餘員名分佈外首緊要處所暗伏揀險指揮王鼎等原領官軍五百餘員名臣原領都指揮王林鄭祥等官軍五百餘員名共一千餘員名俱於本日夜分投前去龍王堂瓦房嵯暗伏至十六日卯時報有達賊不知數目仍在龍王堂西順路駐劄王鼎王林鄭祥官軍人等向前各賊將官軍百戶周欽等傷重各官軍奮勇當先交鋒廝殺至巳時分殺敗賊衆生擒賊人一十三名斬獲首級五顆收獲到賊馬三十二疋其餘賊人奔命逃

遁山林緣山險樹密恐有埋伏不曾追勦臣先  
領官軍五百餘員名防護擒獲人馬回還遇有  
左叅將夏忠策應官軍一同入境周賢黃整候  
至本日未時分據原差指揮吳昇與同夜不收  
戚雄等報說哨探直至紅塘口不曾瞭見宣府  
官軍及瓜無聲息又兼陰霧雪深難以久住收  
兵於本日夜仍從原出厦兒嶺門前後俱各全  
軍入境臣等審據見獲賊徒係是兀良哈殘寇  
叅照此賊爲也先腹心爪牙爲患已非一日  
朝廷恩德招撫不從又令其於二百里外牧放

不許一人近邊致有巡兵勦殺今復近邊爲惡  
如宣府張家口趕殺出哨夜不收俱是前項賊  
虜茲者罪惡貫盈人怨天怒致被殺獲此皆

朝廷威力所致除將生擒賊人并斬獲首級馬  
疋軍器等項另行開坐謹題

景泰六年正月十七日

題爲抗拒不服毀罵內臣等事景泰六年正月二  
十四日酉時承准兵部照會前事內府抄出欽  
差守備奉御黃整題節該欽奉 勅臣守備獨

石兼官領神機銃砲往來馬營雲州提督官軍



操練欽此除欽遵外臣見年節在邇誠恐各堡  
官員遇節嗜酒悞事於景泰五年十二月十六  
日親臨馬營操練人馬因見官軍數少隨取各  
隊手本看得協同指揮王鼎名下役占軍人五  
十二名把總管步隊指揮劉俊手本內開軍件  
一百五十四名不開跟隨是何官員顯是朦朧  
作弊欲將本官依軍令處治不期王鼎劉俊抗  
拒不服毀罵奔走去訖若不具題誠恐下人做  
倣遇有警急難以調度乞將王鼎劉俊拿送法  
司明正其罪以警其餘查得馬營原有內臣守

備仍乞照舊推選能幹太監一員前來馬營鎮  
守禁革奸弊爲此具本景泰五年十二月二十  
一日奉

聖旨兵部知道欽此欽遵抄出到部叅照所奏前緣  
獨石馬營等處地方達賊犯邊所在城池俱各  
捐棄不守該本部節次議奏欽命文武內外官  
員前去將驚散官軍人等收集逐一脩復迄今  
四五年來城堡頗已堅完守具漸有次第及照  
獨石等處已有奉御黃整提督龍門一帶又有  
內使陳莊守備而赤城等處見有叅將都指揮

周賢提督守鎮右叅政葉盛協贊軍務其名該  
城堡俱有奏定都指揮分投守禦數多若於馬  
營再差太監一員前去鎮守非惟欽差官員太  
多下人難於承奉抑恐彼此矛盾邊務因而廢  
弛矧今邊報未息瘡痍未瘳凡事樽節減省猶  
恐衆情不堪若再生事更張是豈備邊良法所  
奏難准其稱馬營協同指揮王鼎把總指揮劉  
俊役占軍人軍件朦朧作弊抗拒不服處治一  
節合當查究合無行移都察院轉行巡按直隸  
監察御史將指揮王鼎劉俊逐一查提到官明

白鞠問有無役占軍人等情如果所犯是實徑  
自依律照例發落仍拘出所占軍人着令操守  
若有別項情絲具絲回奏景泰五年十二月二  
十三日奏奉

聖旨是所奏指揮王鼎等一面詞不必拏問行文書  
去與葉盛體勘明白奏來處治欽此欽遵合就照  
會前去照依奏奉欽依內事理欽遵體勘施行  
承此除欽遵外案查先據守備馬營都指揮使  
王林呈爲挾私陷害等事准本營協同指揮王  
鼎手本前事照得本職輪該景泰五年十二月

十六日前赴赤城發放於十五日晚前去不期有欽差內官黃整於十六日到營有都指揮王林隨差指揮張順等管領官軍迎接到城下馬隨問王鼎緣何不來接我有王林回說赤城發放未回有本官言說我前日差百戶王鑑來討軍人譚俊等六名打牲他怎不與我便去稟葉大人知道後本職回還參見不期本官嗔怒喝令軍牢揪倒要打是鼎分說不知有何罪犯有本官自行將棍亂打等因又據開平衛指揮劉俊呈稱亦於本日有內官黃整發放俊說我着

百戶王鑑來開你要五箇新軍使用怎麼不與  
我你却將脩守等項軍犯與各官做軍伴不繇  
分說喝令軍牢要打一百等因備繇轉呈到職  
行間准欽差內官黃整手本爲軍務事內開景  
泰五年十一月十六日到馬營操練于教場內  
見得官軍數少隨取各隊揭帖看得協同指揮  
王鼎名下役占軍人五十二名其把總指揮劉  
俊名下役使軍人一百五十餘名欲將本官責  
罰其王鼎劉俊抗拒不伏撒潑毀罵等因准此  
續又准本官手本爲抗拒不伏等事內開前因

若不具題誠恐一縣做做警急難以調度除具  
題外手本知會准此案候間今該前因行據守  
備赤城都指揮鄭祥呈依奉行據馬營各把總  
管隊等官指揮方整等呈體勘得云云備繇同  
執結具呈得此照得云云先據指揮王鼎等轉呈  
被內官黃整責打等情及內官黃整手本開稱  
王鼎等抗拒云云在龍門衛公幹因見係干守邊  
內外官員彼此交構各執一面情詞次日回至  
赤城卽欲調取王鼎等前來審量事情輕重虛  
實責罰發落當又續准黃整手本內開具題法

訖爲照既已具題不敢擅自發落合候 聖斷  
施行因將前後情詞俱各停候在案後臣密切  
體訪審勘前事無有重情面會黃整已嘗調和  
勉勵其王鼎等來見則又戒飭禁制近又該臣  
等奉命出境殺賊回軍於厦兒嶺境門內駐劄  
其黃整因見王鼎軍前頗效微勞躬持酒肉犒  
勞別無猜嫌今該欽遵體勘前因查黃整平日  
在邊與臣等同心協力辦事止是一時稍迫未  
能待下以寬其王鼎武夫亦係得力將官止是  
一時不曾心悅誠服不能事上以禮是以交構



情請未免皆有過當別無重情伏乞

聖裁施行謹題

景泰六年正月二十六日

題爲走回人報事景泰六年正月二十五日申時  
據守備獨石都指揮張傑等呈本月二十四日  
未時分據提調整臺關平衛指揮丁堅呈備骨  
整首戶杜斌甫呈該鎮遠大整瞭高夜不收劉  
政報本日午時瞭見境外男子三人騎牽馬六  
匹倒斃斃稱兼是陡回入中當就拆牆放逐連  
大堡送劉職繪洞守備叅將周賢審得一名在

景五年三十三歲係山西太原府太原縣新村都  
民人任賢男蒙本縣僉充都察院皂隸跟隨四  
川道申御史正統十四年八月十五日在於土  
本被也先部下達賊兀豚帖木兒搶去一名李  
莊兒年三十一歲係直隸隆慶衛榆林驛軍人  
李信下男正統十四年十月內在於北京高麗  
馬房被兀長哈達子說哈台搶去一向跟隨住  
坐景泰二年十月內偷騎馬二匹脫走行至中  
途又被也先部下兀豚帖木兒連馬搶住一名  
楊帖木兒年二十四歲係陝西寧夏高橋兒土

軍楊二舅景泰元年正月初八日在於本處地方門城放牛亦被也先部下兀豚帖木兒搶去俱在不知地名住過景泰六年三月十九日各賊那營到牙大沙窩客人思想家鄉商議偷騎馬七匹逃走中途殺喫一匹行走六日到邊又說跟隨各賊頭目是也先部下毛那罕平章攔羅罕平章現今扶着脫脫小花主的娘子與六歲的兒子在營裏人馬約有一萬常被兀良哈人偷他馬匹數多以此怕他近日常與他合火往來有兀良哈頭目等干帖木兒并阿羅反常來

主母娘子見子并昆鄉罕等前預聽發放說要  
青草長時去與阿剌忽知院斲殺及據各人騎  
來馬匹自行照例貨賣訖叅照各人被擄年久  
令脫走回所信未委虛實又恐中間別有虜情  
除行內官黃整陳莊協同守備指揮吳良知會  
及行各堡守備都指揮等官整擄軍馬聽候調  
用仍嚴督沿邊腹裏整臺敵堡官軍人等晝夜  
用心嚴謹瞭望隄備遇有緊急相機行事并行  
宣府軍兵等官一體行屬隄備外謹題

景泰六年五月二十五日

題爲來降夷人等事景泰六年三月三十日午時  
據守備龍門所張壽呈本月二十九日夜五更  
時分據提調墩臺把總指揮王忠呈本夜二更  
據管墩百戶張榮呈該孤石口墩瞭高夜不收  
宋永祥等走報本日酉時分瞭見境外瓦房溝  
邊賊十人騎奪馮三匹從東往南行走離墩約  
遠五里隨放砲一響射打本人近墩叫我是好  
人見無隨身器械拆牆放入連人呈送等因案  
查先據守備獨石都指揮張傑等呈爲烟火事  
本月初半五日夜四更時分據提調墩臺指揮

曹旺呈據管墩百戶楊典呈備平戎墩瞭高夜不收陳貴走報本日夜二更時分瞭見境外磚牆兒迤東火光一處又瞭見大松林迤北火光一處離墩各遠一百餘里未曾息滅具呈本日申時分又據張傑等呈爲走回人口事本月二十八日未時分據提調墩臺指揮丁堅呈據管墩百戶趙忠呈備鎮門墩瞭高夜不收馬頌驢走報本日午時分瞭見境外步行二人近墩隨即放砲一箇本人叫說我是走回人口當就放入連人呈送等因又據守備雲州堡王榮等呈

本月三十日五更時分據提調墩臺指揮徐啓  
呈備管墩百戶李敬呈備守陸文衝墩瞭高夜  
不收軍人王圯走報本月二十九日夜二更時  
分瞭見境外火光一處離墩約遠一百餘里未  
曾息滅各具呈到職已經節行隄備并案候聞  
隨各據送到夷人并走回人口前來會同守備  
叅將周賢審得一名李羅年二十五歲係遼東  
女直人景泰元年在本地亦刺的地方被脫脫  
不花部下達賊把禿不花知院搶去一向隨賊  
在手曲緣地名住過失記月日被也先殺散復

搶在于孛羅平章處隨住爲因過活艱難十本  
年三月二十二日夜偷騎馬二匹脫走了七  
日到邊在營時見得達賊約有三萬餘人三個  
頭目過活十分艱難常被兀良哈賊偷了馬匹  
又說怕南朝人馬征殺常時防備等因一名白  
咬住年一十四歲係開平衛後所千戶白四侄  
有叔父見在府軍前衛帶俸正統十四年七月  
內在于雲州龍門口庄上被阿刺知院部下達  
子把禿搶去在于不知地名住過因見達賊那  
營不記日月脫走回還婦女一口脫脫碗禿年



二十五歲係也先部下達子兀言帖木兒妻有夫因被阿剌知院殺散被兀良哈達子搶去隨住思得艱難不記月日逃走行至中途遇見白咬住一同商議往南行走到邊據供得此除孛羅騎來馬匹瘦乏自行照例貨賣訖叅照白咬住被虜年久走回孛羅并脫脫碗秃係來降夷人及看得孛羅并脫脫碗秃語言動靜俱各伶俐垂覺中間恐有別項虜情況今東作當興各堡連日節報煙火數多防範之策不可不嚴除行內官黃整陳莊協同守備指揮吳良知會及

行各堡守備都指揮等官整搦軍馬器械糧炒  
聽候調劑兼督沿邊腹裏墩臺敵堡哨守官軍  
人等晝夜用心謹慎瞭望遇有大小聲息聽探  
的實星馳飛報以憑相機行事并行宣府總兵  
等官一體行屬隄備外謹題

景泰六年三月三十日

題爲勦殺達賊事景泰六年三月十六日承准兵  
部照會前事要將提督守備獨石等處右叅將  
都指揮僉事周賢所造殺賊功次冊再行從實  
將擒殺賊級官軍人等逐一體勘明白果有不

當開報就便盡數除去將着實有功之人照係  
原擬奏事理重別造冊要見何人生擒何人斬  
首何人爲首何人爲從明白造冊繳部等因承  
此行據馬營等城領軍出哨都指揮等官王林  
等各將依奉重別從實逐一明白體勘到各項  
官軍職役姓名并先據各官呈該簡舉差錯改  
正等項緣繇同不扶結狀粘繳到職除審覆相  
同存結備照并造冊繳部外臣切惟景泰六年  
正月十六日我軍于龍王堂西殺賊彼時官軍  
人等上有宣府總兵提督等官奏奉出境殺賊

之命下有各官分調路道刻定期約及臣等奉  
行之令甫出境門便遇強敵而此賊招呼醜類  
敢抗王師蓋在彼勢不相容在我兵非得已以  
此憑仗 朝廷威靈將士心力致有殺獲成功  
已經具題去後今該前因臣按原冊并今重別  
從實體勘得軍馬出境之時南北二哨分行南  
哨官軍正於龍王堂西遇賊廝殺數內生擒斬  
首被傷官軍指揮張順等八十四員名委的俱  
係當先有功員役若是擒斬一人一級止以一  
人爲首功則啓爭奪賊人首級之弊軍前壞事

他日之憂故臣具以前項官軍爲首其都指揮  
王林等六百四十九員名亦係當先有功之人  
蓋用兵之際必須大勢人馬衝入賊陣殺敗賊  
衆方纔得以下手擒斬只因該部叅覈累以人  
衆爲言故臣以前項官軍爲從查指揮王鼎李  
石都指揮王林鄭祥俱身先士卒內王鼎設謀  
引路功尤足稱特以其爲領軍頭目不曾報在  
擒斬之列其北哨官軍指揮安全等一千七十  
四員名雖是不曾遇賊俱係敢勇精兵遙振軍  
聲不爲無助出境之勞則一遇賊之時適殊故

准亦以前預官軍爲從策應官軍叅將都指揮  
夏忠等六百八十員名遠道赴期兼程莫及班  
師之日遇而同回緣臣與內官黃整叅將周賢  
兵臨境外誓師之際委曾號令將士一人用命  
衆人同功一人悞事衆人同罪故臣今次冊內  
官軍未敢除去至于陞賞與否與夫陞賞之輕  
重伏乞 朝廷看詳並項備列緣繇斟酌等第  
臣思出于上量與定奪庶幾臣等不負號令向  
後可以使人再照先承准兵部照會該巡按御  
史張鵬具奏要將前項官軍陞賞本部議擬奏

惟內開民姓名以爲前項功勞合候履勘至臣  
另行奏請定奪節切臣以書生叨忝守邊督  
軍殺賊區區職分曷足言勞况臣不佞心雖切  
于圖報 臣德志不在乎受賞邊功當

陛下偃兵息民緩懷夷狄之時萬一以邊功受賞則  
是臣愚不能欽承將順掠美貪功私心未安與  
論不協故敢先事陳請惟

陛下照臨之不勝幸甚謹題

景泰六年四月

題爲給錄事准本布政司咨內開軍係本司管理

糧料官員例該支俸辦事牌冊齋繳除照例將  
任內收過糧料草束數目并應該造報事蹟依  
式類造須知并功蹟功業牌冊完日具本差人  
齋進外今將例不該造軍馬等項備開回咨  
徑自施行等因准此案照先爲鎮守巡撫等事  
承准吏部照會該臣題前事合無照依協贊事  
例子四月初一日到京議事就于初十日考滿  
給錄惟復另行給錄等因具題該本部官節該  
欽奉

聖旨着四月議事來就給錄欽此照會到職欽遵



將臣任內該造牌冊事曠取勘移咨本司類道  
去後景泰六年三月初一日又承准兵部照會  
爲總督邊儲等事該本部擬奏臣所管地方節  
報達賊出沒差人鋪馬齋文與臣令照舊在彼  
且不赴京議事該本部官欽奉

聖旨是欽此照會到職欽遵今該前因除本司照例  
齋繳牌冊并臣照例自景泰六年四月初十日  
三年考滿以後仍前支俸辦事外今將任內獨  
石等八城堡軍馬等項數目開坐具本

官軍一萬四千八十三員名

馬六千四百六匹

糧料五十七萬七千七百七十六石六升五合二

勺

草六萬三千七百五十五束

景泰六年四月初十日

題爲聲息事景泰六年四月二十日酉時節該欽

奉

勅卽將差來各項虜使再三研審是何部落務在得  
實星馳奏報欽此會同守備右叅將周賢查得本  
日巳時該委官指揮李實回報事情本日午時

送該兵部照會前事本日又該虜使哈達赤城

館待所說語言俱已節次具題去後奈奉前因

又據臣等先差諳曉夷語軍人并指揮王鼎等

回報欽遵研審得後起虜使皮兒馬黑麻等內

各人說稱有原係也先部下頭目孛羅平章毛

那孩平章猛可平章將阿剌知院人馬殺散了

將寶奪孛又將脫脫不花王兒子娘子并也先

的娘同他娘子兩箇兒子都搶在身邊又搶了

九個白毡帳子今孛羅差我每來有好的言語

到朝廷纔說回去時還與阿剌斡殺務要獲

他敗纔罷又先依奉抓緝得前起虜使哈達等  
一十三名內一名原係劉僧太監家人漢語潛  
地說稱土木搶去原在也先部下有也先因阿  
刺知院去殺他時被他自家部下的人殺死了  
有寶原在他娘子處因亂跟了孛羅平章走脫  
見在不曾在阿刺處奪來今孛羅人馬家小約  
有三三萬多半行走牛馬瘦少車輛全無伯顏  
帖木兒同及通實罕老小人馬約有一二萬見  
在西邊孛羅常有信去要待青草長時會合與  
阿刺斡殺阿刺人馬約有五六萬見在北邊牛

箱車輛都被他得了想必青草長時也要感與  
李羅廝殺料必李羅殺他不過如今李羅的人  
見在涼亭一帶林子裏藏住十分艱難沒喫的  
火子裏自家偷馬殺喫人馬也有餓死的又兼  
日夜驚慌前面後面都怕人去殺他不得已假  
進貢報喜爲名一則討衣食養活一則止軍馬  
殺他又聽得脫脫下花的兒子見在營裏要照  
舊扶他做主等語通行回報得此臣等參照所  
報事因雖虜人多詐未委虛實大槩劉僧家火  
之言或有着實真情其虜使之言多是粧點浮

誇謫辭大話虜情關繫不敢隱畧謹題

景泰六年四月二十一日

題爲收留馬匹事據守備獨石張傑等呈景泰六年閏六月二十四日未時分據鎮門整瞭高夜不收姜景和報本日午時瞭見境外東北山有青白空馬二匹離整約遠二里往南行走等因得此蒙差夜不收官軍百戶王俊等前去本整孤見前項馬匹在於長城脚外水門東邊喫草隨即收趕前來等因具呈得此會同右叅將周賢等議得節據走回人口說稱兀良哈殘賊離

邊不遠或言馬上半日可到或言一日可到又  
先據韭菜南等整節大瞭見或三塊或五十隊  
或約有幾百人皆是此賊先該 聖恩寬大許  
其二百里外牧放今却指此爲繇託名圍獵不  
肯遠去往來出沒卽如前項收留馬疋虜情多  
態雖不可定以意度之或是那營往來一時走  
失或是設伏下賄引誘我軍蓋此賊向來雖云  
散漫各邊俱有但口外地方名爲口外數內赤  
城龍門衛所俱是往時犯邊大路獨石馬營二  
城孤懸在外况今耕牧在時人畜徧野馬營精

兵一枝其有水草場俱在城北見今牧放馬羣  
咫尺邊牆之下長應活命全靠此時不得拘救  
置之他處臣等愚見今日虜賊其醜類仇殺未  
已所謂大舉入寇目下或未必然惟此種殘賊  
最號強勇向來互相趕殺又最艱難切恐聽其  
近邊日深月久狼子野心不顧恩信或俟朝暮  
空隙或乘嵐霧晦冥或奔庄墮或撲牛馬鼠竊  
狗偷旋復散去雖爲小患亦必驚疑人心臣等  
目前之慮此爲最先若不先事懇言萬一不虞  
言之晚矣伏乞 聖明勅該衙門詳議指不長



兼合無於兀良哈等衛有何使臣回日請勅  
頭目朵羅干革干帖木兒等令其遵守先次  
勅旨遠去二百里外若再故違邊將必不相容  
則是自取罪愆並非朝廷失信如此庶幾奸  
黠知懼邊境可寧所據前項收留境外自行走  
來馬疋合無就于本處給軍騎操發屬喂養聽  
候并通行各城守備等官嚴督沿邊腹裏整頓  
晝夜十分加意隄備人畜瞭望聲息一面整頓  
人馬專候有警調用及行宣府總兵等官一體  
施行外謹題

景泰六年閏六月二十六日

奏爲謝

恩事景泰六年閏六月二十八日該戶

部差進士王昇賫捧欽賞銀二兩采段一表裏

賜臣者照得先該兵部奏准照會令臣查勘龍

王堂西勦殺達賊有功官軍造冊繳報等因已

經欽遵將比先奉命出境殺賊根因及有功官

軍等第并臣不敢受賞情繇備詞具題去後今

該前因伏惟

皇上明竝日月恩同天地臣強顏拜賜之餘第深感

激不敢再有辭免以贖天聽所有上項賜物

白金文綺謹已祇受嚮 闕謝 恩訖謹奏

景泰六年七月 日

葉文莊公邊奏存彙卷六

葉文莊公邊奏存彙卷七

吏部左侍郎謚文莊崑山葉盛存彙

孫衡州府同知 夢淇較定

六世孫禮部主事 重華彙梓

題爲烟火事景泰七年正月十五日午時據守備  
馬營都指揮使王林等呈據提調邊墩指揮程  
通呈據守樺皮嶺墩百戶王成呈備瞭高夜不  
收王二哥走報本月十四夜一更時分瞭見境  
外迤北長海子火光一處離墩約遠九十餘里  
備報具呈案查本月十四日申時該據王林等

呈備守雷山墩百戶郭六兒呈備本墩守瞭夜  
不收張榮走報本月十三夜四更時分瞭見境  
外興和迤北火光一處離墩約遠一百餘里備  
報具呈得此已行隄備去後今呈前因會同守  
備右叅將都指揮僉事周賢議得前項節報烟  
火合當加意防範除行內官黃整等知會嚴督  
各城守備等官張傑等整搦軍馬器械糧炒齊  
備聽候調用緩急相機行事及行宣府總兵等  
官一體施行外謹題

景泰七年正月十五日

題爲聲息事景泰七年正月二十二日辰時據守  
備馬營都指揮王林等呈據提調邊墩指揮程  
通呈據守威遠墩百戶梁貴呈據本墩瞭高夜  
不收趙秀一報本月二十一日申時分瞭見境  
外西北達賊人馬一百餘騎離墩約遠一十餘  
里本墩隨放鐵砲一箇各賊往東去訖備報具  
呈得此會同守備右叅將周賢查得近該萬全  
右衛地方節有賊寇往來雖賊情譎詐不測大  
率多是三衛殘寇除照依該部近日查奏永平  
山海等處舊例施行并行內官黃整等知會及

各城守備等官整棚聽調及沿邊腹裡地方墩堡哨守官軍人等晝夜用心加意瞭望隄備并行宣府總兵等官知會一體施行外謹題

景泰七年正月二十三日

題爲緊要邊城急缺官員事據雲州城管新軍正千戶汪宣等呈據已故新軍杜友妻陳氏告稱被協同指揮沙泉喝令軍牢用樺木大棍亂打傷重氣絕身死等因又據鎮撫汪海口告審供得守備王榮協同指揮沙泉等沉醉到於已故新軍杜友停屍處所親自手執藤棍往來街市

打人將伊責打五十餘棍等因行間又據王榮呈有千戶汪宣暗令杜友妻在於各職門口時罵等因據呈得此會同叅照雲州城係是獨石馬營根本地方往年壞事實繇此處脩復以來原守舊軍十不存五近因軍少奏准但係新編發來充軍并脩守守哨犯人俱各收發以實本城另設管新軍官管理緣前項軍犯俱是謀叛妖言強盜人命三犯竊盜奸欺詐僞小人挨閃攘寇無日無之越城脫走不虛旬日舊軍數少新軍數多地弱客強臣等所慮爲守備等官者



所當鎮靜防微尚慮生變乃敢酷暴淫酗又且  
上下之間猜忌嫌疑自分彼此俱屬違法除已  
處治并查照備行都御史李秉施行外緣王榮  
沙泉汪宣俱難任用況王榮等事干人命係聽  
候拏問另行定奪人員而雲州地方軍犯實爲  
緊要不可頃刻缺官管理鈐束合當急爲處治  
臣等公同推舉得開平衛指揮張琥保安衛指  
揮程道俱各相應前項地方任用乞 勅該部  
計議合無行令張琥程道二員守備雲州城其  
管新軍正千戶粹難其人及照口外如龍門千

戶所往來俱是指揮掌管所事合無就令指揮  
程道不妨守備本城仍掌所事再照協同守備  
吳良見今分守獨石往來提督各城查獨石已  
有內官黃整凡事已有定規合無令吳良帶領  
隨操二隊前來分守雲州照舊往來提督庶幾  
事體合宜彼此兼濟軍犯知懼而地方不致疎  
虞謹題

景泰七年二月十日

題爲災異事會同守備右叅將周賢照得景泰七  
年六月初十日早五更時分地震房屋動搖天

明詢及多人稱初發之時有聲自西北而來隨  
詢及各墩堡皆然又有長安嶺地方墩堞倒塌  
等因臣等愚昧不識占驗除警勵飭備外遵奉  
皇上卽位之初正統十四年十二月初十日詔書內  
事理奏聞謹題

景泰七年六月初十日

題爲寬恤等事據赤城守備鄭祥等呈據周源等  
連名告係立功等項軍職各先因爲事蒙巡按  
御史等官并在京法司問發口外等處立功哨  
守等項一向在邊不缺今於景泰七年六月初

四日節該奉

勅諭寬恤恩宥事理內開軍職官有犯罪發立功哨  
守等項 勅書到日各還原職其犯科斂害軍等  
項者止令帶操不許管軍管事欽此除欽遵外緣  
源等俱係軍職官爲事蒙發立功等項乞爲轉  
達照依恩宥事理復職等因具呈得此會同守  
備右叅將周賢叅看得各告并查原發立功守  
哨兩項內除周源等原係口北懷安等衛官員  
其仇英等俱係別處都司衛所官員衙門俸糧  
合當定奪及照楊林陳廣等係是脩守并充軍

哨守等項名目錄 勅諭內止開立功哨守等  
項字樣不曾備開前項名目未識應否照依恩  
宥復職臣等不敢擅便定奪除備查各人原發  
粘連轉行兵部外乞 勅該部查照定奪以憑  
遵奉謹題

景泰七年六月 日

題爲蓄積邊儲事據孫榮等告各年甲不齊俱係  
官下軍民人等各告給文引買賣遇蒙戶部榜  
例開中口外鵬鶚堡等倉景泰七年分存積淮  
浙鹽課其鵬鶚堡倉每淮鹽一引粟米九斗亦

城廣備倉每淮鹽一引八斗五升雲州馬營獨石三倉每淮鹽一引俱粟米八斗榮等遵依赴官告報鵬鶚堡倉淮鹽前往口南蔚州大同等處糴米運送前來該倉上納爲因蔚州等處相離鵬鶚堡地方程途寫遠山路崎嶇車脚艱貴每米一石并脚費共用銀七錢有餘每思景泰三年并景泰五年赤城龍門等倉開中淮鹽每引米豆止是四斗五升後因上納人少又行減作四斗三升其景泰六年分赤城廣備倉存積淮鹽每引止該七斗五升雖有報中之人而實

行上納者少經今二年不能完足兼今口外地  
方霜早薄收米糧價高斗頭添重若不狀告實  
是有傷資本進退兩難乞爲轉達量減斗頭便  
益等因具告案照先奉節准提督都御史李秉  
照會已經通行去後今告前因叅照孫榮等所  
告景泰六年赤城等倉鹽糧比之先年斗頭添  
重延今不完今次鵬鶚堡等倉鹽比之景泰六  
年又加添重况口外等處霜早薄收米價高貴  
俱是實情又兼獨石馬營等處准鹽并各倉浙  
鹽雖曾開例爲因程途既遠斗頭又重未經報

中查口外獨石廣積等八倉先年糧料共七十萬零今年七月終實在糧料止五十五萬零數內馬營廣盈倉并鵬鶚堡倉糧料尤爲數少未勾蓄積正係緊關用糧之時若不照依先年事例將前項鹽糧量減斗頭誠恐日久難完不敷支給臣叨忝邊寄糧餉至重不敢避嫌坐視伏乞 聖明特 勅該部查照前例從長計議將景泰七年鵬鶚堡等五倉鹽糧量減斗頭惟復通將景泰六年赤城馬營二倉鹽糧未完之數一體量減庶得鹽糧易完邊儲有積今將各倉



相離路程遠近數目開坐謹題

缺糧倉分五處

鵬鶚堡倉在長安嶺迤北離嶺四十餘里

赤城廣備倉在長安嶺迤北離嶺八十餘里

雲州堡倉在長安嶺迤北離嶺一百一十餘里

馬營廣盈倉在長安嶺迤北離嶺一百四十

餘里

獨右廣積倉在長安嶺迤北離嶺一百六十

餘里

景泰七年八月二十六日

題爲聲息事照得協同守備呂貴兄奉兵部奏奉  
欽依內事理取回赴部去訖緣本官原係奏准  
協同守備官員其獨石密邇邊陲連日接報聲  
息不絕邊事緊要不可缺人除聲息另行外會  
同右叅將周賢等查得本城操備隆慶左衛指  
揮使朱通公廉質直善撫軍士在邊年久曾經  
守戰堪以任用乞 勅該部計議合無將本官  
代替指揮呂貴協同守備獨石共濟邊事謹題

景泰七年十月十三日

題爲陳言 聖德開廣言路等事恭惟我

皇帝陛下 聖德高厚廣大等乎天地難可指名以

臣觀之則求言納諫一事尤爲

陛下盛德之首伏覩

陛下卽位以來屢下 詔書及災異求言 勅旨旣

曰許諸人直言無隱又曰許諸人直言極諫拳

拳切切以直言下望於羣臣以及軍民微賤此

蓋

陛下盛德遠法堯舜湯禹聖賢之君近法我

太祖

太宗

仁宗

宣宗列聖之德也今四夷賓服萬方乂寧何莫非  
陛下盛德之效哉臣風聞得郎中等官章綸等近以  
言事被繫未釋臣遠在邊方不知章綸等所言  
何事意者各官列職朝行受 國厚 恩其所  
言或不過 詔書所謂朝廷軍民中事有未宜  
及利有當興害有當除等事但章綸等或係新  
進或非言官草野之臣螻蟻之見不明聖賢大  
道不識 朝廷事體豈無非所當言而言者乎

陛下寬待優容不卽加罪此固可見

陛下之盛德矣然猶令其在獄臣亦固知

陛下之意無他不過欲其悔罪省愆改過安分而保

養玉成之爲 國家將來用耳此尤足見

陛下聖德之所以極其盛也雖然臣又竊嘗爲

陛下思之章綸等愚戇無狀罪過難辭然繫獄日久

未荷 天恩臣恐天下之人不能家喻戶曉旁

觀私議或者以爲章綸等發落與 詔書 勅

旨所喻稍異則于章綸等初無損益而 朝廷

未免有厭惡直言之謗豈惟言者將懷自全之

計而緘默無聞亦豈不足以上累

陛下始終之盛德哉臣一介寒微過承寵命備員  
臺諫亦既有年感恩思報夙夜虔切以此願竭  
狂瞽少效萬分之一伏望聖恩憐憫留中  
覽俯垂採納必如舜禹之子違汝弼必如武湯  
之從諫弗咈必如我

太宗皇帝之超擢言官而其後知府何忠之得以節  
死都御史羅通按察使等官柯暹黎恬等之得  
爲後日之用如

仁宗皇帝之寬容言者弋謙一詔實錄有光如

宣宗皇帝之不罪直言而李時勉得以榮名令終如  
陛下龍飛之初之風厲言路而劉球之贈謚萬世同  
休則言路開廣社稷之福而

陛下之盛德無窮矣臣雖瞑目有榮幸焉臣愚不勝  
惓惓具本

景泰 年 月 日

奏爲褒恤事臣惟 聖人爲政以仁斯忠厚之道  
所繇立賢否死而後定斯褒恤之典所繇行夫  
臣子之賢本自常分朝廷必加之意而有所褒  
恤者蓋所以伸公論慰幽魂亦以勸不賢而至

于賢一歸于忠厚而已切聞前宣府等處總督  
邊儲叅贊軍務兼巡撫戶部左侍郎致仕劉璉  
病故緣臣職在宣府等處監督收放糧料蒞任  
之日今總督都御史李秉照會臣管理出給勘  
合等事以議定規格授臣曰此皆劉侍郎已行  
之法無有不善我等守而行之斯可矣及見宣  
府鎮守總兵等官亦皆往往稱述劉璉之賢其  
言曰我等與劉侍郎同事日久深敬服之人或  
有所干請未嘗有纖毫苟且徇從而人亦無怨  
言以其所行皆公道故也又曰做官管事如劉



侍郎之公勤廉謹不愧俸祿矣因又訪之邊氓  
士卒無有間言蓋劉璉自爲御史累遷侍郎公  
勤廉謹始終如一其在宣府前後凡二十有八  
年各州縣衛所倉庫大小事務如收支糧草給  
散布花銀絹等項一一躬親理辦在官之物雖  
朽斷繩索破棄蓆片亦皆變賣錢物入官一無  
遺漏且恪有執持不畏勢要雖武夫悍將罔遵  
禮法之徒聞其名者無不懾服正統十四年逆  
賊侵犯路道不通之時劉璉與宣府守臣同心  
協謀斥去浮議嬰城固守卒以保全亦以劉璉

平日區畫周詳先事有備糧草充足人賴以安  
特因晚年衰老行邊墮馬傷足艱于動履精神  
不及防範不周以致比年查理邊儲所司以其  
老病致有出納情弊坐是被繫其後宣府總鎮  
大小衙門官員人等俱各連章合辭乞恩奏保  
廷臣亦以爲言伏蒙

皇上特宥其罪且令以原職致仕臣切論之所司之  
查理劉璉之獲罪 朝廷之法也旣釋其罪仍  
復其官且安其老 朝廷之恩也法未終而恩  
卽繼之

皇上恩禮 大臣尊崇故老其忠厚之澤一何以至  
于此哉蓋士乏全材久矣取人之道當先大節  
當原本心至于精神所不及防範所不周雖古  
賢哲或不能免况其他乎又况劉璉亦嘗累疏  
乞骸而近侍言官有言其持廉不貪不負付託  
者內閣大臣有言其在邊年久老成可任不必  
更替者此又皆臣目所及見繇此觀之 朝廷  
忠厚之澤施之有自而我

皇上之大德明見萬代之偉觀也今劉璉既死而宣  
府上下之人情一時之公論如李秉等所言如

此雖出于好賢讓德之心而劉璉之賢亦自可見臣愚欲乞

皇上俯念劉璉邊境微勞積有年歲特勅禮部于常例葬祭之外如近年恩例或量與追贈或別加優異使天下爲臣子者皆將曰賢如劉璉生而朝廷釋其罪死而朝廷重其恩朝廷之待賢者如是孰不相勸于爲善哉則不特以厭一時之公論荅宣府之人心其慰賢勞于既死勸有位于將來多矣臣昔塵侍從今忝藩臣感犬馬未報之舊恩遵直言無隱之明詔遇

事當言不能隱默謹 奏

景泰 年 月 日

題爲陳情給假乞恩事臣一介寒微累受國恩歷  
任山西右叅政獨石等處管事臣有父封兵科  
都給事中葉春在原籍直隸蘇州府崑山縣今  
年七十歲與臣面不相見已經九年臣於近日  
得鄉人張吉附到七月家書內言臣父氣喘咳  
嗽等病苦楚賴臣兄葉鏊等扶持奉養未得安  
痊昨又得鄉人孫恭武附到八月家書內言臣  
父於八月初轉加氣疼痰逆病重在床醫藥無

效臣父每言荷國厚恩我死足矣但次子在任不得見面等語臣思父初娶湯氏生臣兄繼後湯氏故娶臣母贈孺人陳氏生臣其湯氏係臣前母實生臣兄實同母道以臣未曾陳請恩命未蒙追贈今思在京在外官員三年考滿陳情請給封贈并乞贈前母誥命洪熙年間以來有布政等官蕭省身等請給不爲常例封贈該部覆請定奪欽蒙特准恩旨臣今歷任右叅政該於景泰六年四月初十日巳及三年節因邊事未得到京考滿未敢陳情卽今歷任將及五

年緣臣父今年七十加之前病沉重生死未保  
言之痛心臣又蒙恩在邊不敢給假回還原籍  
省侍但今備冬將過邊事稍寧已有提督軍務  
并內臣叅將等官在任不致悞事臣欲乞 聖  
恩憐憫合無令臣給假赴京考滿臣當以前情  
另奏陳請誥命倘臣父未死之前得霑恩命過  
於他日受賜萬萬臣之志願畢矣臣卽星馳到  
邊辦事圖報

皇恩志萬一臣以父母之故人子之情不得已才  
君父罪該萬死俯伏俟命之至謹題

景泰七年十一月初十日

題爲守制事景泰七年十一月十二日臣在雲州  
公幹本日戌時有表姪吳阿員送到家書內說  
臣父封兵科都給事中葉春在原籍直隸蘇州  
府崑山縣患病於本年九月初十日身故等因  
照得本年十一月初九日家書內說臣父病重  
臣已於本月初十日具題陳情給假乞恩去後  
今又得家書知臣父已故臣係親男例應守制  
緣臣奉 勅在邊不敢擅自離職暫行在任伏  
候請 旨至日將卷籍等項咨呈右僉都御史



李秉處臣即日赴京願道回還原籍守制未敢  
擅便謹題

景泰七年十一月十二日

葉文莊公邊奏存彙卷七